

Lelo ilyo mulepepa . . .

WWW.TENDAYSOFPRAAYER.ORG

UBUSHIKU BWA 3—SHIKIMIKENI (PEPO)

“Kabili ilyo mulepepa, mwilabwekesha fye amashiwi yamo yene nga filya 'bena fyalo bacita. Pantu batontonkanya ukuti ni ku fyebo fyabo ifingi bakomfwikwa. E ico mwipalana na bo. Panntu Shinwe aishibe fintu mukabila ilyo tamulamulomba” (Mateo 6:7, 8, NKJV).

Pepeni no Kushikimika

Umwana wesu mwaume, Ovidiu, ashitile ng'anda pa mutengo unōno nganshi, lelo ing'anda tayali bwino nakalya e lyo kabili yali fye inōno. Wene atendeke ukukūlulula no kufuntulako ing'anda pa kuti ikumanishe ulupwa lonse. Nomba, imitengo ya fintu yaile pa mūlu. Kanshi lyonse alebwekesha 'mashiwi ya kutila limbi kuti afilwa ukupwisha umulimo pa mulandu wa kucepelwa indalama.

Naipwishe Ovidiu ukutwala ukukabila kwakwe ku cinso ca kwa Lesa pantu Wene âlabasakamana. Anjaswike no kuti wene, pa lwa ng'anda yakwe, ali pepelapo kale.

E lyo namwipusha ukuti nomba ashikimike ipepo lyakwe, alelūmbula ico alekabila cimo na cimo pa nshita ya ciko, te kulomba ilelo ico engakabila mu mweshi uleisa nangu mu bushiku buleisa, lelo alombe nomba line icilekabilwa ilelo. Lesa alāsuka ku kwipusha kwashikimana. Lesa tâsuka 'mapepo ya kusākānya.

Wilaaya kuli Lesa no kutila, “Mwe Shikulu, pususheni abena mupalamano bandi.” Mucifulo ca kusosa ifi, utile, “Mwe Tata, ndelombelako umwina mupalamano Yohane. Napāpāta kumyeni umutima wakwe. Kabili, napāpāta mpeniko amāno no tushita twa kuti mpange bucibusa na wene pakuti nkamutwalileko ne lyashi lya mbila nsuma.”

Marko 10:47 atulangisha Bartimeo alelomba Yesu ukuti amwafwe. Wene abilikishe, no kuti, “Mwe mwana wa kwa Davidi, mwe Yesu, mbebelēni uluse!” Mu kwipusha uku muli 'fintu ifingi. Mu versi 51 Yesu asuka amwipusha ukuti ashikimike ico alefwaya: “Cinshi ulefwayo kuti nkucitile?” Bartimeo ayasuka, “Raboni, ica kuti mone” (NKJV).

Ukubwelela ku lyashi lyandi—umwana mwaume wesu atendeke ukulapepa mu kushikimika. Aipwishe Lesa ukumwafwako ukusanga ibumba lingamwimbilako umufula wa ng'anda. Ili cali ni panuma ya kufwayafwaya. Nomba, amabumba yonse ayo alekumanya pa myeshi iingi, yonse yalemupingula indalama pakati ka K18,000 na K22,000. Lelo mu kuya kwa nshita asukile alanshanya ne bumba ukumubweseshako umutengo pali K16,000 no kwisa tendeka ukwimba umufula mu mulungu wali no kukonkapo.

Umukalamba wa ili bumba aishile, lelo icibombelo cabo icafina tacaletelwe. Panuma ya kulolēla ulucelo lonse, umukalamba atendwa ukulolēla, e lyo aeba Ovidiu ukuti alabwelelamo kabili tākabwele mpaka myeshi itatu ikapwe, e fyo aile. Umwana wesu alinashiwe apakalamba. Tākwele kwasuko ku bwafya bwakwe.

Ku kulekelesha, Ovidiu aipwishe Lesa mu kushikimika ukuti asange bumba lya bantu abengamwimbilako umufula bwangu, pa mutengo uusuma. Cilya apwisha ukupepa, umwina mupalamano afika.

Umwina mupalamano, ati: “Muli shani lelo?”

Ovidiu ebele: “Ndi fye umutende mukwai. Ndefwaya fye ibumba lya bantu benganyimbilako umufula wa ng'anda yandi.” Umwina mupalamano nao ati: “Cilifye, ine ninkwate bumba abaleimba, ino ine nshita, umufula wa ng'anda yandi. Mubepushe. Limbi kuti na imwe bamwimbilako.”

Apo pēne Ovidiu abutukila na pa mwinamupalamano no kubepusha.

Mwi bumba bonse bayaswike abati: “Cawama, apo ifwe tuli kuno kale pamo ne cibombelo cesu icafina nge ci, nga twapwisha fye ukwimba pano, kuti twaisabomba no mulimo wenu.”

Ovidiu aipusha: “Bushe kuti mwaisa mona no kunjeba isho ningalipila?”

Cilya umukalamba we bumba alolesha, ayasuka no kutila, “mwawalipilako fye K2,500.”

We buseko we! Ovidiu amwene ukuti Lesa âteyenye ubwasuko kale fye, kabili âlelolēla fye Ovidiu ukwipusha ubu kwasuko.

“Ipepo e kwisula kwa mutima kuli Lesa nga ku cibusa” (*Intampulo kuli Yesu*, p. 93). Lesa alekwita ku kulanshanya na Wene, ukumweba ukukabila kobe mu nshila iyayanguka kabili iya shikimana. Alefwaya ube ne citetekelo muli Wene, ulesubila ubwasuko, uleshintilila na pa kutemwa, pa m̃ano, na pa malayo Yakwe. Akāsukila mu nshita na mu nshila Yakwe, lelo nga walolēla pali Wene mu citetekelo, ukeshiba ukuti ukwasuka Kwakwe kwalicila pa ’masuko yonse ukuwama.

Natupepele pamo.

Inshita ya Kupepa (30–45 Minutes)

*Amabumba ya mapepo yonse yabomfya inshila shalekana lekana isha kupepela pamo. Tulemukoselesha ukuti mulekwata utushita na tumbi 30–45 (minutes) mu kupepela ca pamo, mu nshila yonse intu Umupashi Wamushilo walamutungulwila. Tulekoselesha amapepo ya kulanshanya ayepi - umusēla wa mashiwi umo ukufika pa misēla itatu (1–3 sentences). Ici kuti calenga abengi ukupepa imiku iingi. Pe samba pali ifyakulangila ukupepela mwi Lembo (**Praying through Scripture**) ukulingana ne cikomo. Kuti mwapepela na mu fiputulwa fya Malembo na fimbi no kubikamo ifisambililo na fimbi mu nshita mulepepa. Moneni mwi pepala Iya **“Kutungulula Intungulushi” (Leader’s Guide)** na “Mepusho ya Kupepelapo Icilonganino conse mu calo conse” (**World Church Prayer Requests**) pa kuti mwaishibilapo na fimbi ifyo mwingacita mwi pepo.*

Ukupepa mu Cebo ca kwa Lesa — Mateo 6:7, 8

“Kabili ilyo mulepepa, mwilabwekesha fye amashiwi yamo yene nga filya ‘bena fyalo bacita. Pantu batontonkanya ukuti ni ku fyebo fyabo ifingi bakomfwikwa. E ico mwipalana na bo. Panntu Shinwe aishibe fintu mukabila ilyo tamulamulomba.” (Mateo 6:7, 8, NKJV).

“Mwilabwekesha fye amashiwi yamo yene”

Mwe Lesa, tusambilisheni ukulanda kuli Imwe nga ku cibusa. Limo limo amashiwi ya mapepo yesu yaponena mu musango umo wine fye, kabili cimoneka kwati amashiwi yesu tayaciluka ne cipembe ca mutenge wa ng’anda. Tubusheni tufume mu tulo twa kumupashi! Twafwilisheniko pakuti tuleiluka ukuti icinso cenu cili fye pali ifwe

“Shinwe aishibe fintu mukabila”

Mwe Shikulu watemwikwa, namwishiba kale ifyo tuli. Namwishiba umwenso wesu, ukusubila kwesu, ukukosa kwesu, no kunaka kwesu. Ilingi line tulalomba ifintu fyayanguka kuli Imwe pamo nga ifilyo, nangu indalama, nangu ishuko, lelo Imwe mwalishiba ifyo tukabila mu kushika. Twatasha pantu Mupashi alatwafwa mu kuteta uko amashiwi yesu yengafilwa ukunda. Tulemucetekela ukutwasuka mu nshila isho tushingelenganya!

Ukulundapo ifyo Mwingacita mu Mapepo

Ukutasha no Kulumbanya: Tasheni Lesa pa mapālo ayo mwishibe no kumulumbanya pa busuma Bwakwe.

Ukuyebelela: Buleni utushita twa kuyebelela mu nkama no kutasha Lesa pa kumwelēla.

Ukutungululwa: Ipusheni Lesa ukumupēla m̃ano pa filemukosela nomba na pa kusala kwenu konse.

Icilonganino cesu: Pepeleni pa kukabila kwa cilonganino mu citungu cenu elyo na mu calo conse (moneni pe būla Iyaibela apali ifyakwipusha).

Ampusho ya Pamwesu: Pepeleni pa kukabila kwa filundwa fya cilonganino, ndupwa, na bena mupalamano

Ukumfwa no Kwasuka: Buleni nshita ya kumfwa kwi shiwi Iya kwa Lesa no kwasukila mu kulumbanya na mu nyimbo.

Inyimbo Mwingemba:

Local Bemba #162 Yesu Alentungulula (All the Way - SDAH 516)

Local Bemba #36 Ndemumona Imwe (My Faith Looks Up to Thee - SDAH #517)

Standing on the Promises (SDAH #518); I Know Whom I Have Believed (SDAH #511)

Other Songs: Give Thanks; Thank You, Lord, for Saving My Soul; Count Your Blessings; He’s Able